

# Pupuk budaya sukarelawan

NIK AMIRULMU'MIN NIK MIN

**KUANTAN** - Pertubuhan Kuantan Prihatin Negeri Pahang mengadakan kerjasama bersama Majlis Perwakilan Pelajar (MPP) Kolej Universiti Islam Pahang Sultan Ahmad Shah (Kuipsas) sebagai persediaan menggerakkan Projek Tuisyen Percuma (PTP) Parlimen Kuantan.

Kerjasama yang dijalinakan itu bagi mendapatkan khidmat sukarelawan tenaga pengajar ataupun dikenali sebagai Kuantan Prihatin-Tutor (KP-Tutor).

Taklimat khas bersama sukarelawan KP-Tutor telah diadakan kelmarin di Dewan Barakah Kuipsas dengan dihadiri Pengerusi Kuantan Prihatin, Fakhru Anuar Zulkawi dan Presiden MPP Kuipsas, Raimi Saifullah serta barisan pimpinannya.

Taklimat itu diadakan bertujuan diberikan penerangan tentang matlamat projek serta kaedah pengajaran serta jadual pembelajaran.

Fakhru Anuar berkata, KP-Tutor dibuat secara terbuka dan semua mahasiswa dan orang ramai yang berminat boleh menyertainya.

Menurutnya, melalui usaha itu, beliau percaya budaya sukarelawan yang dipupuk menerusi projek tersebut mampu mewujudkan warga masyarakat yang lebih ambil peduli tentang keperluan membantu kumpulan masyarakat yang berpendapatan rendah terutama di

## Kuantan Prihatin, sukarelawan KP-Tutor MPP Kuipsas jayakan PTP

Kuantan.

"Ia juga mampu meningkatkan keupayaan akademik penuntut.

"Dengan jurang umur yang dekat juga bantu penuntut untuk mudah berinteraksi dengan tutor muda ini selain berkongsi pandangan dan pengalaman," katanya kepada *Sinar Harian*.

Lebih 40 mahasiswa dan mahasiswi Kuipsas mendaftarkan diri sebagai tutor projek tuisyen percuma ini. Sebelum ini 100 mahasiswa Universiti Islam Antarabangsa Malaysia (UIAM) kampus Kuantan telah menyertai KP-Tutor.

Sementara itu, Raimi Saifullah berkata, program kesukarelawan itu sangat bermanfaat dalam usaha membantu remaja dalam mendapatkan bimbingan akademik untuk lebih cemerlang dalam pelajaran.

Menurutnya, program itu juga mampu mendekatkan jurang antara mahasiswa dengan masyarakat sekaligus melatih mahasiswa dalam aspek kepimpinan berkesan dan komunikasi efektif.



Sekitar taklimat khas yang diadakan bersama sukarelawan KP-Tutor di Dewan Barakah Kuipsas baru-baru ini.



Sebahagian sukarelawan KP-Tutor dari Kuipsas yang akan menjayakan Projek Tuisyen Percuma.

"Penglibatan aktiviti bersama komuniti ini juga boleh melahirkan citra penuntut yang seimbang dan meningkatkan kepedulian sosial yang tinggi untuk kembali berbakti kepada masyarakat selepas tamat

tempoh belajar nanti," katanya.

Projek tuisyen percuma ini dianjurkan dengan kerjasama SMK Mat Kilau disertai seramai 180 pelajar tingkatan lima yang bermula Januari hingga Oktober tahun ini.